

4

A N T O N I I
VALETT ORATIO
IN SCHOLIS MEDICO-
RVM ANTE LICENTIA-
TVM HABITA.

*Quâ Medicinæ antiquitas ex antiquissimo
Poëtarum Homero obiter &
allegoricè describitur.*

Huic accessit I O. AVRATI Poëtæ Regij Elegia
ad observandiss. Patrem, F. IACOBVM HVGO-
NEM, Doctorem Theolog. & Regium Eccle-
siastem: necnon aliquot ad Medicos Parisien-
ses Epigrammata.



PARISIIS,
Apud Ioannem de Bordeaux, in monte D. Hyla-
rij, ad insigne Occasionis,

1 5 7 0.

Vt longinqua maris per alta vecti,
Optatas ubi iam videre terras
Coeperunt, vlulant ad astra leti,
Imponuntque suæ rati coronas,
Lætæ pignora gratulationis:
Sic nunc sic ego penè iam peractò
Fluctus Hippocratis per & Galeni
Cursu, penè meum tenensque portum,
Hac læta tibi gratulor camœna,
Hanc festamque tibi dico coronam,
Pignus perpetui tui fauoris,
H V G O: qui mihi nauigatione
In tam difficili tria extitisti
Vnus, nauita, nauis atque naulum.
Ducens nauita, subuehensque nauis:
At naulum numerans tuo ipse sumptu
Vecturæ pretium, viaticumque.



OBSERVANDISSIMO

PATRI, F. IACOBO HUGONI,

DOCT. THEOLOG. CELEBR.

Regio Ecclesiastæ verè pio & or-
thodoxo, Mæcenatiquè bene-
ficentissimo, Anto.

Valetius S.

ETSI exploratum habeo, Mæce-
nas optime, te ea animi æquitate
& moderatione teneri, ut maxi-
mis tuis, ac penè immortalibus in-
me meritis talionem rependi mi-
nimè speres, vel optes, mièque hac natum esse con-
ditione, ut quamvis vitam pignori opposuerim, si
subductis rationibus tabulas conferre libeat, eadem
nequeam tantula ex parte remetiri: sceleris tamen
non levis, imò fermè nullo piaculo expiandi, insi-
mulandus viderer, si quod studium aut officium
meum in colenda pietate tua paterer desiderari. Et-
enim in rerum successu secùdiore si Fortunæ occur-
sant litaturi homines, quid me nunc tandem post
meam in te expectationem non æquatam modò,
sed etiam longè superatam facere putes oportere?

Tuis vnius auspiciis non fortuito mihi, sed plane
 diuinitus illapsis, in literis vno, sine quibus vivere
 non potuissem vnquam, nisi infelicissime. Nam
 simulatque mihi cum Rhamnusia illa, quam ego
 semper iniquissimam tuli, luctam esse assiduam
 conspexisses, me tamen ita affectum esse, vt cum
 Philemone libris immori cupere, & Musas meas a-
 lumnas esse tuas, & tuo vnius patrocinio aduersus
 iratas fortunas suas consistere voluisti. Hæc natura
 tuæ probitas, hæc facilitas, hæc in hominem ex-
 terum, & multorum fastu abiectum humani-
 tas tota, quantacunque est, quæ certè apud me ma-
 xima, tota est inquam tua: quæ adeò me tibi deuin-
 xit, vt nulla liceat oratione consequi, quanti te fa-
 ciam, quantum tibi debeam, quatum mihi omnem
 in partem enitendum cogitem, me gratum & me-
 morem esse semper vt intelligas. Et quidè in men-
 tem venit suspicari diuinam benignitatem mihi,
 vlli quàm alijs, præclariùs illuxisse: quæ te prisca
 religionis, fideique decus, te vnicū Christianæ cha-
 ritatis exemplar, te Theologici ordinis amplissi-
 mum ornamentum, meorum sanxerit authorem,
 fautorumque studiorum: qui, copias alioqui exutus
 omnes, ea mirabilem in modum promoueris, foue-
 ris, ditaris. Quod vt imprimis tibi gloriosum, &
 mihi perhonorificum fore, ita auspiciatissimi labo-
 rum meorū exitus omen præ se tulisse certissimum

sum arbitratus. Atque utinam tuæ istius Euangelicæ pietatis tot haberemus æmulos, quot splendido Ecclesiasticæ professionis titulo insignitos viros. Extrarent, opinor, Hugones tam multi, quàm sunt hac tempestate pauci: qui literas infelicis huius sæculi vitio iacentes, hominum desidia neglectas, à magnificis pollicitatoribus destitutas, casibus denique oppugnatas omnibus, turpi egestate concidere prohiberent. Neque tot tamq; præclara ingenia ad incitas redacta elanguerent, collaberentur, torperent: sed suorum subuecta Mæcenatum fauoribus in altum assurgerent, & mirificos politiorum doctrinarum fructus procrearent. Sed quotusquisque est, qui literis, literatisque viris operam præstet oppido liberalem? Quot videas ex infinitis, qui cum veridico, & sacro calente numine Poëta in hanc candidissimam vocem prorumpant?

Sic nostras partimur opes: pars optima templo:
Altera sors inopi seruit: pars tertia nobis.

Paucos mehercule, paucos. Quinetiam eò veniunt impietatis male feriati homines nonnulli, quos tamen oporteret studiosis maximopere favere, si sui instituti rationem aliquam ducerent, ut iis non satis sit toto penitus supersedere officio, nisi quid in pios & probos, à quibus superari verecundantur indignissimè, proteviter effutiant: ut de quodā audio tenebrione, qui vecors & exlex ne-

scio quid *δυσίατος* & *δυσσεύς* nuper insusurra-
 bat: *αγρὲς* ferēs videlicet *αὐτὰ* & *Αποστολικὰ* nitore
 integritatis in te omnibus è Theologis vno luculē-
 tius renidere. Mitto illius nomine paginā nostram
 profanare, deque opinionum peruersitate istiusmodi
 inquirere: ne vel intemeratum candorem tum of-
 fendam: vel me videar velle ab inuidia vindicatū
 tuæ penitiūs gratiæ insinuare: quem iampridem in
 fidem atque amicitiam receptum tuam, si minùs
 studiosæ vitæ meæ gratia, tuæ saltem constantiæ
 causa, tanta ad amandam inductione prosequi per-
 seueras. Ego verò vt grati hominēs personam ob-
 seruantia, studio, & assiduitate sustineam, en pu-
 blicè habitam Medicis in Scholis orationem, tibi,
 secundū Deum, bonorum meorum auctori gratias
 nunquam intermoriturus significaturam euolare
 sino: vtinam dextris ad te auibz veniat. Qualif-
 cūque est, etiam si meum nondum iudicium potue-
 rit promereri, tibi primario cultioris literaturæ vi-
 ro si non omnino displiceat, mihi vt cunque satis-
 fecerit. Interim Gregorij Palamæ Theſſalonicēſis
 Archiepiscopi Proſopopœias sublimis plenas Theo-
 ſophiæ, è Græcis à nobis Latinas iā propè factas ex-
 pectabis. Bene vale Meccenas optime, &
 Musas nostras cōmendatas habe. Lutetia
 Parisiorum 4. nonas Iunias, Ann. 1570.



ANTO. VALETTI ORA-
TIO IN SCHOLIS MEDICORVM
ANTE LICENTIATVM
HABITA.

*Quâ Medicinæ antiquitas ex antiquissimo
Poëtarum Homero obiter & allegoricè
describitur.*

SI QUID omninò in me a-
gnoscerem vel mediocri lau-
de dignũ, Viri ornatissimi,
lætarer profectò mirificè cū
Neuiano illo Hectore abo-
ratore laudari omnium facilè laudatissi-
mo: cuius ego iudicio tantum tribuo, vt
longè mihi sit iucundior atque plausibilior
tacita sua vnus existimatio, quàm si vel
vniuersum Romanum forum acclamet,
suffragetur, applaudat: aut me tantus exci-
piat & suspiciat hominum concursus, quan-
tus olim Xerxem exercitus, nominis & fa-

mæ perennitate celebratus. Vt enim vêtosæ suffragia plebis, quæ pari temeritate & probant, & reprehendunt, nunquam sum aucupatus, ita probatorum viro-
 rum calculis cõmendari pulcherrimum sanè semper existimaui: qui nec quenquam falsò sua pro simplicitate velint attollere: nec possint pro sua prudentia falli: quorum neque doctrina suspicionem erroris, nec vita quippiam resipit assentationis. At splendidæ istiusmodi laudes tantû abest vt mihi cristas erigant, vt vndecunq; inglorius vehementius etiã mihi displiceã: qui admoneri videor, qualem me esse conueniat, cum ea de me prædicantur honorificè, quæ in aliis veneror, in me desidero. Et ne merces ignotas inani vobis obtrusas ostentatione queramini, me ipsum depingere instituo, tantò quidẽ melius, quantò sum ipse mihi, quàm aliis, notior. Quod antequã aggredior, mihi subuerendum video, ne purgatissimas aures vestras affabili Encomiastæ eloquentissimi canoritate delibutas densissimis orationis mæ salebris exasperem. Nam quamuis obscurius nomẽ sit meum, quàm vt eius splendore quenquam excitatû putem, vixque humili dignadum veniat dexteri-

teritate dicendi, & hoc imbecillitati meæ plurimum alacritatis & virium exhibeat, loci tamen huius sublimitas non nisi grandiloquentia & sententiarum maiestate personare solita mihi mirū incutit terrorem, nervos quantulacūque facundiæ (quæ in nobis nulla, aut per quā est exigua) conuellit omnes, mētis aciem perstringit. Nec minus, opinor, mihi in eo difficultatis incumbit, vt quicquid dixerō ad eam submittam moderationem, quæ omnium stomacho satis possit facere, patere nauseam nemini: vt non minùs quid aures cuiusque pati valeant, quàm quod virtutibus debeatur, attendam. Quorum alterutrum à me quis desideret, cū anxietatis sit indefatigabilis alterum, alterum humanæ plusquàm solertiæ? Sed enim illud non extimesco, ne gratus, ingratusve habear, prout satis, parūve dixerō. Animaduerto enim Deos ipsos non tam accuratis adorantium precibus, quàm innocentia & sanctitate gaudere: gratiorēque existimare, qui delubris eorum puram castāque mentem, quàm qui meditatū carmen intulerit. Iam verò ne vos longiore moret proximo, nèue facilitate vestra ambitio se abuti, aut nullam

penitus officij mei rationem duxisse videar, vos vos oro atque obsecro nostram in dicendo exiguitatem mansuetudinis, clementiæq; vestræ magnitudine subleuetis: quàmque mihi toties non inauspicatam præstare fiduciam voluistis beneuolentiam vestram, eandem hodierno die initiũ & finem quæ cupio, quæque cogito, eloquendi patiamini afferre. Ego quidem (Viri per celebres) à D I V O I V N I O oppido Lemouicibus contermino oriũdus, parentibus natus antiqua probitate & fide claris, fortunæ dotibus non ita locupletatis, sic sum ab ineunte ætate educatus, vt charissimum patre ANTO. VALETIVM habuerim præceptorem: qui, licet ab ocio literario distractus & auocatus aliud iniisset vitæ genus, me Grammaticis artibus intinxerit, imbuerit, informârit: nec prius à se auelli permisit, quàm altiores ad doctrinas capeSSendas erectũ senserit. Mox vbi primis illis ex auspiciis nonnullam de me cœpisset expectationẽ, optimos quosque, qui cõ loci haberẽtur, præceptores sibi familiaritate iunxit: quorum doctrinam & mores (vt mihi rectiùs forẽt consultum) exploraret: è quibus vnum aut alterum, cui mei curam cre-

deret, deligeret. Pauculis pòst annis emicāte simul cum adolescētia visa est sese ingenij veluti renascentis facies exerere: quòd Oratoriæ & Poëticiæ artibus eam operam non pœnitendam nauāssem, quæ me prorsus auerso à Musis animo non esse testatū cuius reliquisset. Intereà crebris parentis obiurgationibus interpellatum, & ad ampliores in literis progressus factitandos animatum me mira incessabat cupiditas insignes lustrādi academias, vnde disciplinarum aliquid & sapientiæ haustum sperarem. Verumenimuerò istud animi mei votum, laudabile quanuis & honestum, comprimabant rei domesticæ angustiae sumptibus in studia sufficiēdis impares: vt id et antiquum est, & haud scio an etiam fato literarum quodam comparatum, vt quò quis ingenuas artes cōplectatur studiosiùs, hoc fortunæ fluctibus iactetur acerbiùs. Ista tamen mearum ex rerum tenuitate impedimenta minimè pertæsus, cœptis insistendū duxi: & tanquā Herodoticus ille Solon, aut Homericus Vlysses cognoscendi studio peregrinū agens, boni visus sum genij comitatu beari, qui perpetuam bonorū catenam, trahentibus inuicem ansis, mihi in

hâc vsque lucem porrexerit. Etenim simul-
atque nudum me Lemouica charybdis ex-
teris oris euomuiſſet, gymnaſij celebritate
Aquitanici (quo nullû videre fuit celebrius,
quandiu Gallicum orbem pacis tempera-
uit amœnitas) illeçtus,

*Burdigalam conceſſi urbem, elementia cœli
Mitus ubi, & rigue larga indulgentia terre.*

A T Q V B. ibi cû cogitarẽ de iuventutis
erudiendæ ſubeunda provincia (hæc enim
vnica fuit ſtudiorum meorû alumna) mirû
quot in ſcopulos impegerim, quãtis me vi-
derim difficultatibus circumſeptum. Non
enim ætas huic par oneri ſuſtinendo vide-
batur, quòd annum vix decimû attigiffem
quartum. Feliciorem tamẽ, præter opinio-
nem omnium, ſortem naçtus, me totum ad
ſtudia conſero, & primariæ urbis auguſtiſ-
ſima antiquitate, & venerabili moderato-
rum authoritate, ſpectatiſſimóque cando-
re permotus. Tum enim Burdigalæ tam
plena Muſarum erant omnia, vt de ea aptè
dici potuerit, quod in editis collegij fori-
bus duro marmore inciſum carmẽ legitur.

*Non decuit Muſas vlla magis urbe locari,
Quàm quæ Phœbigenam protulit Arſonium.*

I N B A per quinquennium ſub Nicolao

Mongelosio Doctore Theologo, Philosophoq, eminentissimo, & Helia Vineto celeberrimo Mathematico, Græcæque literaturæ callentissimo institutus, Philosophicâ tandem ad lauream cõtendi. Ac paulò post cùm prælectione publica viris probis & doctis inotescere cœpisssem, alij me Jurisperitiæ natum dictitantes, Tholosam legum alticem mittebant: alij ad instituendam subinde iuventutem incitabant. Neutrorum in verba credul⁹ ARNOLDI FERRONII viri quondam Senatorij, & literarum (vt literati nôrunt omnes) omniû, maximique iuris vtriusvis Antistitis saluberrimum sum consilium amplexatus: qui Consiliarius Regius mihi infimæ notæ homini vt consulere, nō nihil de sua grauitate remittebat libens, tam mihi benè cupiebat. Persuasus à Romanis musis ad Græcanicas, tum demû ad Medicinam desciscere, florentissimam hanc Parisiorû Lutetiam, vel potius Luce-tiam, in qua lucent omnia, quibus humana sese efferat gloria, aduētare quàm cupidissimè optaui. Urgebat id desiderij rediuiua in ADRIANO TURNEO Gallix nostræ miraculo omnium palæogræcorum & Latinorum cōsummatissima eruditio, non

totam modò complens Aquitaniam, sed
 cunctis etiam terrarū angulis protuberans:
 necnon aureum Aurati nostri vellus, auro
 quouis omnibus opulentæ Græciæ thesau-
 ros affectatibus, omnibus abditissima Poë-
 ta rum orgia rimari cupidis, amabilius. Optati
 compos, diuina annuente mihi benignita-
 te, euaseram, ni illum mihi, totique Reipu-
 literariæ (quibus satis viuere nunquam po-
 tuisset) acerbam luctuosamque morte præripi
 contigisset. Tanto orbatus præceptore vni
 Aurato (Palladiæ palæstræ tam exercitato
 duci, vt Attico & Latio cælo genitus creda-
 tur) totum me tradidi excolendum: qui Ho-
 mericorum mysteriorum diuinissimus in-
 dagator, & Pæoniæ amplectendæ cupidi-
 nē allegorica poësi mihi egregiè refricue-
 rit, & eiusdem prima delineamēta miranda
 ingenij industria designârit. Primùm et-
 enim Medicinæ dignitatem ex ipsius anti-
 quitate, antiquitatem ex ipso antiquissimo
 poëtarum Homero repetebat: qui cuncta
 Græcis ad tãtam expeditionem necessaria
 cū locis in aliis, tum præcipuè in cathalo-
 go enumerans, duos illos memorat excel-
 lentissimos medicos Podalirium & Ma-
 chaona Aesculapij filios.

Τῶν αὖτ' ἡγείθην ἀσκληπιοῦ δύο παῖδε
 Ἰητῆρ' ἀγαθὸν ποδαλείεος, ἠδὲ μαχάων.

Q V O K V M nomina ab utraq̃ue Me-
 dicinæ parte vel effecta, vel efficta videri
 possint: vt μαχάων ἐπὶ τῆς μάχης appellatus
 priorē Medicinæ partem Chirurgicem, quæ
 circa vulnera versatur, & cuius inter bella
 frequens sit vsus, innuat: ποδαλείεος alterā,
 licet subobscuriùs, significet. Cuius nomen
 ἐπὶ τῆς ἡλείων, quod plantarũ genus omne
 est poëtis, & πεδά, o in e verso, quo Bæoti,
 attestātē Pindaro, pro μέτα vtuntur, sit pe-
 titũ: quasi inter flores & plantas agere Me-
 dicus dicatur. Aut, si quis malit, quòd ad e-
 undem pertineat suis plenum numeris me-
 dicum & ferri ad sectiones, & herbarum ad
 fomēta tractatio, per illum Machaona ferri
 vsum, per Podalirium herbarũ applicatio-
 nem accipere licebit. Neque verò noster
 Latinus Homerus Virgilius, non, vt alia
 omnia, & hoc felicissimè est imitatus, Iapin
 illũ suum Iasi filium Chirurgum siue Medi-
 cum Aeneæ castris adhibens, quæ non tam
 ἀναγκᾶτος πολεμικῆς, quàm ἰατρῆος, seque-
 retur.

*Iámque aderat Phæbo ante alios dilectus Iapis
 Iasides: acri quondam cui captus amore*

*Ipse suas artes, sua munera lætus Apollo
Augurium, citharæque dabat, celerèsq; sagittas.
Ille ut depositi proferret fata parentis,
Scire potestates herbarum, vsumque medendi
Maluit, & mutas agitare inglorius artes.*

Q V I B V S in versibus duo audio occurrere, quorū alterum vel imprudentem lædere, vel prudentem facilè fallere queat. Quis enim prima specie non durius illud Virgilianum censeat, in quo spereris Apollinaribus donis maluisse Iapin ingloriū mutas artes agitare traditur? An mutæ Apollinæ artes, quæ tam multis voluminibus à disertissimis sunt conscriptæ? An ingloriæ, quæ ex hominibus semideos, ex semideis Deos, ob diis similem medicis cōcessam facultatem, faciant? At mutas & inglorias artes vocitat, quòd tales apud Romanos, vel Platonis rempestate, haberentur? Sanè quidem, cum Romani adhuc rudiores cuiuslibet artis, quàm artis, essent. Quinetiam ludit poëta, cum Iapin augurium, cytharam, celerèsq; sagittas præ ipsa medica arte contempsisse refert. Illa etenim tria tres Medicinæ partes occultè indicant: auguriū prognostica, quæ partim Physica, partim Metaphysica constant: cithara temperaturam humorum

humorum & medicamentorum: sagittæ
 ferramētorum vſum artificioſum, certum,
 & expeditum, tam in venis pertundendis,
 quàm vlceribus aperiendis. Sed & quiſ-
 piam fortasſe mirabitur, quòd Chironem
 illum Medicum celeberrimum (cuius me-
 dica ſchola fuit *πήλιον εἰνοσίφυλλον*, Pelion
 ſtirpium varietate vberriſimum) & *φῆρα*, id-
 eſt ferum, & ſemiferum ſeu ſemihominem
 pinxere, cùm alterutrum Medico minimè
 conuenire videatur. Verùm ferus eſſe de-
 buit, non ſolùm propter ſylvarum ad her-
 bas peragationem, & ſtudiorum ſolitudi-
 nem exquisitam (nam & Pholoën habitâ-
 runt Centauri, & *φάλια* dicebantur ferarū
 luſtra, & ſtudioſorum cōuenticula) ſed etiā
 quia immiſericordem eſſe deceat; cùm a-
 lioqui cæteris in artis ſuæ operibus ſit ita
ἥπιος ἰαπατήρ, velut humanus quidam pa-
 ter, vt idcirco vtrāque ei ſit natura tributa:
 feræ; ad ferro, vt igne, vtendum: hominis,
 ad ſecta & vſta leniendum. Eſt etiam, quod
 altiùs lateat eo in figmento adumbratum
 myſterium. Nam cùm Medicus eſſet anti-
 quis, qui diuina calleret, & humana (in qui-
 buſtota eſt Philoſophica commentatio à
 Barbaris, Hebræis, & Aegyptiis inuenta, &

cum suis pellibus aureis deuecta) Centau-
ros illos humana effigie cum ferina mixtos
dederunt, hominis simulachro diuina & a-
nimam, feræ, humana & corpus, complexi:
vt sicut mores & affectus animi temperiæ
corporis sequuntur, adeoque affectus cor-
poris affectuum animæ temperaturam, ita
in vtróque peritus medicus habeat versa-
ri, & proinde perfectus esse Philosophus.
Artis autem medicæ heroïcis illis tempori-
bus duo summa erant emporia, Thessalia
& Aegyptus, sed quorum fides auribus tan-
tùm creditur. Nunc duo sunt, quorum ocu-
li vobis fidem faciant, similia medicæ artis
gymnasia in hac nostra Græcia, vel etiam
maiore Græcia Gallia: alterum apud Mon-
tem Pessulum, quasi Pelion alterum, vbi sui
non defunt Chirones: alterum apud hanc
nostrâ, Aegypti simillimam Lutetiam: cùm
sicut illa limo à Nilo congesto, ita hæc Se-
quanæ & Matronæ confluentiû fluminum
luto coaceruata & fundata, vnde Lutetia à
luto nomen ceperit, videri possit. Et vt illic
Chirones, sic hic sint non semihomines
Centauri, sed omnium formarum Protei:
qui (quod de illo dicit Homerus)

ἴσασι τὰ τ' ἐόντα, τὰ τέσσοι μὲν, πρὶν τ' εἶναι.

H A C ergò in Aegypto orbis theatro
 cæteris medicæ facultatis phrōtisteriis pal-
 mam præripiente vniuersis prima Medici-
 næ iacturus fundamēta, imprimis I. C A R-
 P E N T A R I V M Philosophū & Medicum
 præstantissimum in Physiologicis audiui:
 mox Apollinares solertissimorū Doctōrū
 scholas L A F I L A B I, Viri non solūm admi-
 rabili integritate vitæ, verum etiā alta, re-
 conditāq; doctrina, tum morū quoq; incre-
 dibili comitate cōmēdatissimi, R O C H O N I
 subtilis. C O M I T I S scientissimi, M A L M B-
 E R G I doctissimi & disertissimi, C A P E L-
 L A numerosa disciplinæ supellectile instru-
 cti, frequentaui, donec adultior factus se-
 dentem Regali in suggestu Hippocraticæ
 assertorē fidelitatis grauissimum, L V D O.
 D V R E T V M, Regis Consiliarium & Me-
 dicum, eiusdēque Principis in Iatrica Pa-
 raphrastem luculentissimum audacter ad-
 ierim: à quo, tanquam ab authorato sacris
 oraculis Aesculapio, incredibiliter confir-
 marer. Per quem certè quantum profece-
 rim, dicere non aūsim, ne vanam laudatio-
 nem temeritatis & imprudentiæ plenam à
 me extundere velle existimer, à qua me
 semper habui, habiturūque sum alienissi-

mun. His nō infeliciter actis Medicinæ primordiis ciuile bellum funesta calamitate formidabile lares patrios repetere, se turbulentissimis tempestatibus committere, vale denique Gatiis & Musis Valetium ære minimè valentem dicere imperabat, vtdixissem meherculè,

Anchora firmâisset nisi nostram querna carinam:
id est, me animo fluctuantem, vel etiam consternatum & fractum viri eruditorum optimi, & optimorum eruditissimi LEO-
DEGARIA QVERCV, Regij Doctoris meritissimi solida probitas confirmâisset, extulisset, beâisset. Illius enim sincerissima pietas fortunam in me detronâsse conspiciata, mihi ceu certissima Cynosura præluxit, tādémque ad portum deduxit cum maximi illius Adriani Turnebi liberis, haud vulgaris spei adolescentibus, perfruendum: quib⁹ in studiis dux & author essem. Quod non postremæ felicitati, quandiu vita constitero, apud me ductum fuerit, me parētis illius præfectum esse pignoribus, quem colat vsque, culturâque sit posteritas, dum literarum memoria perennabit. Tantulo vix otio licuerat fruiscei, cum Iuno rursus aliqua in nos Acolum conflauit.

Vnde rei subiit nobis noua cura gerendæ.

Stadium medicum amicorum suasu mihi emetiendū esse intelligo. Ego inopia pressus ancipitem in cogitationem venio, captandi fermè cōsiliij nescius. Ad religiosissimum illum literarum mystem, Regij iuris Cognitorem integerrimū **ÆGIDIUM BORDINVM** (qui iam relictis mortalibus suo fruitur Christo, quem semper habebat in ore, semper in pectore) rem detuli: vt erat humani illius numinis tam mihi libera, patēsisque familiaritas, quàm quæ vnquam alij fuerit libertima, atque patētissima. Cui cū consiliorum meorum rationes significāsssem magis, quàm explicuissem, videbimus, inquit, diligenter aliquid, in quo sit cū certa tuendi studij tui fides, tum eius, quem tibi auxiliarem postulas, fauoris mei explorata potestas. Fac animo sis magno, nec quicquam esse putes tāti, quod studiorum tuorū iter interrumpat. Paruo tibi ad hæc fouenda sumptu opus est: is autē nusquam homini studioso & frugi deesse potest. Non tam acerbis, quem impendere dicis ex paupertate, casus videtur, vt cū eo tibi omnem libertatis & dignitatis spem abiiciendam arbitrēre. Age, & memineris

hominem te esse, qui iampridem cum fortuna, quæ omninò non sit pessima, luctari cœperis: cui quæ nunc iacet afflicta, aliquâdo emerfura sit virtus. Obsequio sum tanti viri monitis me præbere decuit, repugnante tamen imperiosæ Deæ cæcitate. Ad baccalaureatum prouectus, vel mihi Meccœnatem inueniendum, vel tanto supersedendū molimine existimaui. Tum Ioannes Auratus Poëta, Regius, ὁμόπαις meus mihi multis nominibus obseruandus, me anxietate istiusmodi penè cōfectum quàm commendatissimum habuit Iacobo Amiato, magno Regis Eleemosynario, quàm terso, quàm nitido, dij boni, epigrammate.

*Excellens bonitas, benignitasque,
Excellens studium tuum fouendos
In cunētos ope Regis indigentes,
Præsertim pietas probata quorum est
Certis testibus, eruditioque,
Multos incitat, vt tibi probari
Optent, cūmq; probaueris, foueri.
Hunc ergò tibi testor esse vtrūmq;
Et castum pietate, & arte doctum.
Eius sed studiis ad altiora
Enitentibus obstat, officitque
Res angusta domi. Fauente nunc te,*

*Regis subsidio petit iuuari
 Ad sumptus medicæ professionis,
 O doctorum Amiote summe amator.
 Fac ergò studeat arte qui mederi
 Multis, huic medearis ipse egenti.
 Nam nomen facit omen, hunc futurum
 Felicem sua in arte: plurimósque
 Facturum esse Valetium valentes.*

Nec defuerunt qui Regi, non qui Lotareno Cardinali me in alumnum daturus se iureiurando affirmarent. Quid tum? His & illis Aulicis ampullosam tantum & subventaneam inesse gratiam, pollicitationibus luxuriantem, rerum vacuum sum expertus. Eò tandem recidi, ut in angusto spes omnis mea videretur posita, nisi inconcussa, intemerataque Theologiæ ter maximû Heroa velut è Iouis aula ad me deductum, aut è naturæ adytis erutum, Observandissimum Patrem, F. I A C O B U M H V G O N E M, Franciscanæ Phœnicem familiæ, Regium Ecclesiastem orthodoxa fide & vitæ sanctimonia conspicuum, diuino (ut id de me profitear ingenuè) afflatus spiraculo in meum patrociniû inuocâssem. Veniat scilicet in mentem mihi eum, qui ab omni terrena sæce Christiani amoris igne ex-

coctus esset, qui natalium alioqui claritudine & nobilitate conspicabilis cuncta Deo reliquisset, qui niuea probitate cādidus cæteris prænideret, eū, inquam, afflictas meas piis oculis respecturum esse camænas. Nec mediusfidius mea me fefellit opinio. Illius enim ad genua prouolutus, suam cliētēlam impetraturus (ratus mihi clienti pauperi potiore futurū pauperem meocœnatem) diuinum statim illud mihi dedit eloquium.

Ma Ete animo, Christus iustū miseratur alumnū.

O MENTIS aureæ bracteatum dictum! Ô candidissimo de pectore lactei sermonis alimoniam! Quid postea? Quicquid de tenui Regiæ cathedræ reditu dare potuit, id in annuam versum eleemosynam, mihi studiisq; meis erogauit, sibi nihil, præter Christum reseruans. Hoc vnico Meocœnate auspice viaticum habui ad medicum curriculum: & quod à Torrente, id est Cardinalialiquo, Episcopo, Abbate, aut alio ecclesiasticorum prouentuum aucupe corradere non potui, id à riuulo, Christigenæ, Frāciscanæque paupertatis æmulo sum facilè cōsequutus. Sed effare, quo merito? Quid me oneras sciscitator? Rationem felicitatis nemo reddit: Deus & qui Deo proximus tacito

sua munera dispertit arbitrio, & beneficiorum suorum indignatus per homines stare iudicium, mauult de subditis dedisse miraculum. Quo inquis merito? Ego nullum scio: totum mirificæ mei Meccœnatis pietati & gratiæ, quam de cõmuni Deo plus quàm ullus hausit, acceptû refero. Nec est vt causetur aliquis fortunarum suarum vacuitatem, quâ tantum possidere lex est, vt mendicare sit necesse. Nemo enim tam egenus, vt pietatem colere non possit. Nonne seruulus ille mendicus paralyti resolutus, cùm eleemosynis sustetaretur, quicquid in diem sibi erat residui, cæteris offerebat, nihil in crastinû sollicitus, sed quærens regnû Dei, & eius iustitiam? Hoc voti habuerunt & antiqui patres, sacrosanctæ fidei cultores optimi, qui nulla in pauperes liberalitate satiati ad egestatem ferè vltimam peruenêre: imò in tantam sese angustiam coniecerunt, vt in funere suo alieno syndone fuerint inuoluendi. At quantò tunc se pauperiores fecissent, tantò postea amplioribus in cœlorum regno locupletatos iri diuitiis probè nouerant. Ecquid aliud de beneficentissimo meo cogitauerim Meccœnate, qui me tam pio complectitur animo, vt pietatis pretium offerat Deo? Neque ei

fuerat hac me sorte felicitâsse, nisi FRANC. BRIGARDI, Regij Medici, & medicorum procerum amplissimi Coryphæi, omni virtutis præconio superioris, mihi propè paternam beneuolentiam conciliâsset, vnâq; PETRI LAFILABI famigeratissimi nominis Doctoris (cuius vel ipsi Apollini tam miranda viderit possit sublimioris artis penus omnigena, quàm visa quondam admirabilis toti Græciæ Coi senis diuinæ eruditionis præstantia) singularem fauorem adiunxisset : qui mihi in Cardinalitia, Myronis Medici Regij vice, moderatoris prudentissimi officio functus, germanum sese præceptorem obtulit: nec me passus est sua mente, tanquam stigmaticum, vel sputium discipulum, turpiter excidere. Vtrûmque, Brigardum dico, & Lafilæum, quamuis nascentis laudis meæ fautorem agnosco, te tamen, mi Hugo Meccænas colendissime, speratæ dignitatis authorem fore confido. Quanquam verò tanta sint ista tua in me beneficia, vt, etiamsi capitis huius auctionem fecero, quantum tibi sim obætatus, nō queam exprimere, maiora (si quæ maiora sunt, quorum nulla perspicio maxima) à te expectârim: tam alta in mente tua repositum hūc tuū clientulū videor videre,

Equidem dies noctesq; vt debeo, in te animū conuertens, humana duntaxat incommoda, & variabiles valetudinis euentus reformido: doleoque felicitatem meā, quam immortalem esse vellem, in vnius mortalis anima consistere. Hæc sola, qua gloriior, cui viuo, quam veneraturū me tādū, quandiu spiritus intus egerit, sanctè iuro, polliceor, testor. Hæc me sola (Doroni Orator *παρὰ δὲ πότατε*) commendare debueras beatitate, non alia meis ex lusibus præconia venari: nisi fortè lucis aliquid meis scriptis appictū credideris, quo mei Meccænatis (cui mea sacratur omnia) oculi capi possint. Ast quantulacūque illa sunt poëtica, si laudare fas est, hoc sanè mihi non improbabuntur nomine, quòd casta sint:

Nec Cypriæ curas, vel olentia gaudia cantent:

In mores acuant sed spicula multa pudicos.

HIS EGO scriptionibus oblector, quæ mei curas animuli studiis grauiotibus exerciti leniant, diluant, & ad eadem grauiora studia resumenda faciant alacriorem. Hæc mea est pila palmaria, quæ quatuor abhinc annis ludi cœpta orsa est. Galliadem heroæ carmine describere, Græca aliquot opuscula Latinitate donare. Hæc sola est, quæ perficiet, ne quem vnquā

lateat (si modo is sum ego, cuius opera ad posteròs peruētura sint) me à cæteris, incolumi omnium gratia, qui ad hoc medici honoris fastigiũ diuersa vnquam virtute venerunt, venturique sunt, secretum esse: in quem intueantur, qui paupertate præuenti libero ad medicum gradum aditu prohibeantur. Hæc sola, quæ cunctis mortalibus adimat occasionem demirandi Alexandri Magni in Chærilum beneficentiam, Meccenatis in Maronem & Flaccũ inexhaustam benignitatem, Vespasiani in Plinium studiũ, Grätiani Cæsaris in Ausonium humanitatẽ, Laurentij Medicis in Politianum seculi nostri delitias amabilem fauorem, vt vnicum Hugonem meũ Meccenatem supra fidem suspiciant omnes. Quod me Nicædro comparas, id debeo facilitati naturæ tuæ ab omni liberali doctrina instructissimæ: quæ vt ad bene dicendum, ita ad meliores cogitationes scriptis cõmendãdas est aptissima. Sed si me res iudice definiatur, te reuera *ὁ κρείττονος*, virorum, vt pote oratorum, triumphatorem sanxerim: qui pauculis diebus plus Arpinitatis, collimatæque eloquẽtiæ fuderis, quàm quinque Demosthenes, totidẽmq; Cicerones paribus numero annis à se potuerint extorquere. Superest (Vi-

ri grauiſſimi) ad metá noſtra properet oratio, immenſoq; cedat verborum agmini, ne videar ad referēdam gratiam tardior, cū vos ad officiū promerēdum tam fueritis expediti. Primū igitur Deo optimo, maximo, & immortalī (qui meæ menti ſemper lumina prætulit, qui teneræ ætati docilitatis commodum, & ad naturæ propenſionem ſuæ auxiliū gratiæ addidit, vt liberaleis diſciplinis perdiſcerem, ſed ſuæ gloriæ ſeruituras, quarū adminiculis adiuta mens mea eius cognitionem ampliùs aſſequeretur, quem noſſe humanæ ſumma eſt felicitatis) Deo, inquam, immortalī tãtas ago gratias, quãta valeo infinitæ ſuæ miſericordiæ virtute: quoniam tantæ ſuæ bonitati debitas laudes, etiamſi millena huius corpusculi membra in totidem linguas abirent, non potis ſit rependere. Chriſtiparæ Virgini, Cælitibúſq; omnibus, qui ab huius mortalitatis pelago ad portum quietis, tranquillitatis & pacis peruenire meriti, noſtri dignãtur eſſe memores, qui in huius vitæ ſælo circumſtantibus agitamur procellis, quãta quoque religione, & fide grates habeo. Parentibus dilectiſſimis, quibus ſecundū Chriſtum & cælicam cohortem plurimum honoris deferre teneor, immortales ago gra-

tias, si possem, etiam referrem: cum eorum fortuna remunerandi vicem insinuet, sed nostra non suggerat restituendi facultatem. Meccenati meo mihi semper colendissimo tales pro tantis suis in me meritis gratias persoluo, quales apud Deum fieri cōuenit, sentiendo copiosius, quàm loquendo. Atq; iterata pollicitatione hoc vnum ex animo promitto, perfecturum me, vt non modò hæc hominum ætas, sed etiam tota ferè posteritas, quàm benè apud me studiũ, operã, officia sua collocãrit, intelligat atq; cognoscat. Te verò, AEGIDI BORDINE, quem ab hac rerum humanarum perturbatione in diuinas illas sedes migrasse non dubitãter asseuerãrim, si cuius vnquam pietas, atq; benefida innocentia ab impiorũ pœnis tuta, cælòq; digna est credita, tete patronum olim meum qua mentis gratitudine prosequar? colam? obseruem? Nefas, arbitror, esset mihi tuos Manes excire, vel sollicitare: quorũ apud me tã rata est salus, vt eos mihi veneratione potiùs, quàm misericordia prosequendos putem, atque etiam propitios iam exoptem. Vt tamen grati animi conatum ostendam, officium omne meum Aegidio & Claudio Burdinis liberis amantissimis, qui tui desiderio extinguuntur, vo-

ueo & dedico, illis etiam, si possim, suum omnem tuo ex interitu dolorē exhausturus. GVL. POSTELLO disciplinarū omnium fecundissimo prōmo, omnium, mea sententia, nostro æuo literatorum literatissimo, qui speciosissimam suam illam poly-matheiam (qua cunctis ita antecellit, ut albis, quod dicitur, equis præcurrat) mihi cōmunem fecit, qui quamuis tenuioris census, aut opibus spoliatus omnibus, me quāta potuit liberalitate auxit, magnas habeo gratias, maiores, cum res tulerit, habiturus. IO. AVRATO, LEOD. A QVERCV, FRANC. BELLEFORETO, IO. VVILLEMINO, Viris clarissimis, omnisque literarij ordinis signiferis veluti protomy-stis grator plurimum, propensum, quamdiu vixero, eorum in me animum memoraturus. Vos verò (honorandi præceptores) vos simul omnes hac voce affabor, ne se quis ægrè vel iniqua sede locatum, vel malè descriptum, præteritūque ferat.

*Asi ego quas tanto vobis pro munere grates
 Reddere sufficiam, collegi maxima vestri
 Nomina, in arte quibus Podalirius, atq; Machaon,
 Atq; Amythaonius nequeat certare Melampus?
 Denique non ipsi duo, quorum semiser hic est,
 Totus at ille ferus, decus & Deus artis utrūque*

*Duct. rib. 22
 Medieu.*

Semifer ille decus, Deus alter, qui fera totus.

Auto. Vn- At te quo dignè quo carmine compellabo?

*uario Can-
cellario.*

*Cuius cancellis Academia tota quaternis
Septa manens, intra sua tot Viuaria pisces
Seruat, nec mutos, nec languentes malè, Verùm,
V I V A R I, viuos, & viua voce vigentes.*

*Claud. d'O-
ron Para-
nympho.*

*Nec te præteream, quo conciliante iugales
Me velut in thalamos admisit sponsus Apollo,
Pronuba nõ Iuno, D' O R O N, mea sed (mihi si fas
De te vera loqui) mea pronuba, & innuba Pallas.*

FINIS.

A A N T O I N E V A L E T

M E D E C I N.

*Ayant ce que tu as, V A L E T, que cherches-tu?
Ne t'est ce pas assez, que ta main glorieuse
Sur l'ignorance soit dé-ià victorieuse,
Et tienne dessous soy ce serpent abatu?*

*Ne t'est-ce pas assez, qu'au roc deux fois pointu
On t'aye veu monter par la trace poudreuse?
Ne sçais-tu (tant sa suite est pauvre & mal-heureuse)
Que peu souvent Fortune accompagne vertu?*

*Tu te plains de ne veoir guerdonner ta science
Des presens meritez du Cornet d'abondance :
Et tu vas regrettant l'or du siecle doré.*

*Preu cueur, docte VALET, chasse loing toute crainte:
Car puisque de vertu ton Galien s'acointe,
Par luy tu seras riche, & par elle honoré*

FR. D'AMBOYSE PARISIEN.

AD OBSERVANDIS-
SIMVM PATREM, F. IACOBVM
HYGONEM, DOCTOREM THEOLOGVM
celeberrimum, Ecclesiastem
Regium verè pium &
orthodoxum,

IO. AVRATI POETAE RE-
GII ELEGIA.



EDITE Pisces iam, Messalá-
que vetusti,
Summa quibus doctos fama so-
uere fuit.
Cedite vos, quorum celeberrima
gloria durat,

O Meccenatum nomina clara virum.

Magna quidem vobis laus est aluisse Poëtas,
Sæpè quibus largas annumerastis opes.
Dona sed illa velut magno de flumine riui,
Utque redundantes fonte videntur aquæ.
Vnus (& hic nostro res admirabilis æno)
Mecœnas reliquis anteferendus erit.
Qui (quod vix olim pauci, sed tempore nostro

Nullus penè graues præstitit inter opes)
In studia è paruo pauper largitur aceruo,
Quantas non Vllus diues auarus opes.
Nam qui magna dedit, quæ vix dedit vnus &
alter,

Hoc nostro doctis tempore dona viris,
Quamuis magna dedit, nō magna dedisse videtur:
Cui maiora datis, quæ dare possit, erant.
Nunc sibi nunc placeant, quos nostra habet Aula
potentes,

Et dare se doctis præmia magna ferant.
Vnus sola decem dat parua numismata, & omnes
Iam Mæcenates post sua terga videt.
Vnus egens, sed sponte, Deo qui cuncta reliquit,
Diues, & antiquæ nobilitatis homo:

Inter mendicos Vltrò sua qui dedit olim
Nomina, Franciscum subsequiturque ducem:
Franciscum, Christo qui sub duce paupere pauper
Militat, & multos, qui comitentur, habet.
In quib⁹ vnus hic est animo pauperrimus HVG O:

Ingenio cū sit diues, & eloquio.
Cuius & in magna vox admirabilis aula,
Gratâque Parisia semper in vrbe sonat.
Nec dubium bona quin possit maiora relictis
Quærere, quæ siti si sitis vlla foret.
Sed non vlla semel contempti cura peculi,
Vlla Viro spretas conderè rursus opes.

Quod satis ipse probat facto generosus in isto,
 Mecœnas pauper pauperis esse volens.
 Miror & vnde tibi res venerit ista, Valeti,
 In mentem, ut velles pauperis esse cliens.
 An tibi tam sterilis, tam nullis artibus æqua
 Aula tibi visa est Regia, quanta fuit?
 Ut non eligeres de mille potentibus vnum,
 Quem Mecœnatem dixeris esse tuum?
 Non erat hic Abbas aliquis, vel Episcopus ingens?
 Non qui de Christi cardine nomen habet?
 Qualis ibi meus est Mecœnas optimus vnus,
 Lux Lotharingiacæ Carolus ille domus.
 Cui licet hinc curas, illincque det Aula frequentes,
 Qui licet immensum vertice portet onus,
 Respicit afflicta tamen vltro sæpe camicenas:
 Et prompta doctos subleuat æquus ope.
 Huic aliquem similem, similem si quæ capit Aula,
 Quæsisset, sed vix inueniendus erat.
 Quæsitæ est ideo tibi quæ fuit vna secunda
 Anchora, quæ naui sola relicta tuæ.
 Ut quia nunc non dant, quæ debet, & dare possunt
 Pauperibus dites dona pÿsque Viris,
 Quam tibi non licuit plenis de fontibus vndam
 Haurire, ærino pauperiore petas.
 Nec tua te, quamuis spes insperata, fefellit:
 Quæ non dat torrens, iuululæ ecce dedit.
 Qui quæcunque pios sibi quis donauit in vsus,

In studiorum vsus contulit ipse pios.
Quod tuis, quod grato mea nunc pia carmine Musa,
Ne lateat factum tempus in omne, facit.
Nam quamuis patriæ consorstibi gratulor, ipse
Gratulor hac patriæ plus quoque sorte meæ.
Magna meæ patriæ laus est habuisse patronos
Auratum è prima nobilitate duos.
Nam mihi iam iuueni studiorum fautor & author
I A N V S erat Lotaræ gloria prima domus.
Morte sua functi patrui Lotareus alumnum
C A R O L V S excepit, Regis & esse dedit.
Iure igitur memori semper mea carmine Musa
Per Lotarenigenas ibit amica suos.
Quæ cum sit patriæ per me laus maxima nostræ,
Non minor est patriæ quæ modò sera venit.
Illi me dites iuuere, iuuantque patroni:
Tu popularis egens sospes egentis ope es.
Nec minor est pietas, sed (Christo iudice) maior
Eius, cui fuerant parua Minuta duo.
Quæ tamen exilis pia fœmina contulit vnum
Pauper in ærari magna tributa sacri.
Cumque Deo partita breuis patrimonia census,
Ipsa tulit partem, pars data iusta Deo est.
Exemplum Viduæ cœlebs renouauit & H V G O:
Illa dedit pauper, pauper & iste dedit.
Fœnerat illa Deo, quæ dat munuscula templis:
Fœnerat iste Deo, dans sua dona piis.

Nam quæ sit pietas maior, quàm velle benignum
Auxilium studiu exhibuisse pius?

Scilicet est studiis quædam concordia iunctis:

Omnes quidam artes conciliauit amor.

Nec Vati Vates quisquam bonus inuidet Vnquam:

Nec faber est socio res odiosa fabro.

Certè non medico medicus pius inuidet H V G O,

Ad medicas artes cui sua dextra patet.

Nam medicina duplex hominis pro duplici parte:

Arte sua hæc animum, corpus ac illa leuat.

Artibus humanis homines seruare periclis

Conuenit, & nomen forsitan inde trahunt.

Ars diuina quidè est, quæ sacra, Deusque docètur,

Nec minùs humanis annumeranda tamen.

Quisquis amans hominum est, alienum non pu-
tat à se,

Humanis quicquid ferre putatur opem.

Et quia non Vni tribuit Deus omnia posse,

Qua fas cuique homines parte iuuare, iuuat.

Quid nisi sacra docet sapientia, quàm suus vt sit

Alter amans fratris frater vt ipse sui?

Hæc tua materia est, tu^o hic labor Vnicus, H V G O:

Regalis Doctòr qui pia sacra doces.


Qualia tu pue doces, factis tibi vera probantur:

Qui facis hæc, aliis quæ facienda doces.

Munificum esse mones, sis munificus priùs ipse.

Testis hic, & plures, quos mea Musa tacer.

*Quos vel principibus commendas , vel quibus ipse
 Que tibi dat Princeps munera contribuis.
 Pro quibus officiis multi debent tibi multa :
 Plurima sed patriæ debet & ora meæ.
 Quam tu muneribus, quam tu dignaris honore,
 Cum iuueni medico, cui fauet illa faues.
 Sed tuus exhaustus ne iam labor irritus omnis
 Fiat, in inceptis perge manere tuis.
 Dant extrema decus: cursorem meta coronat:
 Fac tangat me tam tuque tuusque suam.
 Quod facies, nisi deficies: quod non decet ætæ
 Extremo vatem, qualis es ipse, bonum.*



VERSION DE LA PRECE-
 DENTE ELEGIE.

PLACE antiques Pisons, Messales, & tous
 ceux,
 Qui ont le premier los d'aider aux ver-
 tueux:
 Mecœnes renõmez, cedez tous, cedez ores,
 Quoy qu'illustre aujourd'hui vostre gloi-
 re est encores.
 Cevous est grãd hõneur d'auoir entretenus
 Les Poëtes, enrichis de voz grãds reuenus
 Cõme des ruisseletz d'une grãde fontaine,

Ou de ceux d'un grand fleuve, enrichie
est la plaine.

Cestuy faict plus que vous, qui verse les
grands eaux,

Et les fleuves enflez de ses petits ruisseaux:

Qui son thesor pauvre, & sa pauvre che-
uance

Aux pauvres studieux depart en abondance.

Peu de riches iadis, & bien moins maintenāt,

Donnent de leur auoir si liberalement.

Car qui donne beaucoup (peu le font à ce-
ste heure)

Ne donne pas beaucoup, quand plus luy
en demeure.

Ne plaisent maintenāt noz riches courtisās,

Ne vêtās de dōner les grāds dōs aux sçauās,

Les cent, les mille escus: si n'y a il personne,

Qui donne ce qu'il peut, comme cestuy le
donne:

Qui riche & de maison à tout à dieu quitté,

Le pauvre médiant Sainct François imité:

Le pauvre S. François, & ceux, qui ont suyui

De Christ & de François pauvres la pau-

vre vie.

Le pauvre toutesfois bien riche se fait veoir

En sa douce eloquēce, & en sō grād sçauoir:

Le qui ladocte voix en cour est admirable,

Et a tousiours esté à Paris aggreable:
Dont bien facilement il auroit amassé
Des biens (s'il eust voulu) plus qu'il n'en a
laissé.

Mais ayant la richesse vne fois mesprisée,
De plus en amasser ne luy viét en pensée.
Cé qu'il fait genereux fort bié voir en cecy,
Pauvre Mecæne estant d'un, qui est pau-
vre aussi.

Et te faisant client ie m'esbahis bien cōme,
Válet, tu as choisi pour Mecæne vn pau-
vre homme.

Ne sçauois tu trouuer parmy la court du
Roy

entre mille seigneurs vn Mecæne pour toy?
Quelque Euesque, ou Abbé, qui eust la
bourse pleine,

Ou vn tel Cardinal, qu'est celuy de Lor-
raine

Mō Mecæne? lequel bié qu'il soit oppressé
Des affaires d'estat, dont il se void pressé,
Regarde les sçauans, & leur Muse affligée,
Qui se treuve par luy prōptemēt soulagée.
Mais puis qu'on n'en void point de tel, tu
as ietté

L'ancre de ton navire en port plus arresté.
Car voyát l'opulât au docte le plus chiche,

Tu as plus esperé du pauvre que du riche:
 Sansque tu sois frustré de ton espoir, Válet,
 Puisant plus qu'en vn fleuve, en vn bas ruis-
 selet.

Noz muses & noz vers le facēt d'óc notoire,
 Si bié qu'à tous iamaís en dure la memoire:
 Et l'estre d'un pays soit à ioye à noz deux:
 Mais pl^{le} le soit átoy cestuy r'écõtre heureux,
 Qui ne t'aide rien moins, & rien moins ne
 t'honore,

Que moy Iehan de Lorraine, & que Char-
 les encore:

Celuy liberal oncle, & cestuy liberal
 Son nepueu: qui m'a fait estre Poëte Royal.
 Car si de leurs grands biens i'ay receu à
 largesse,

Tu n'es moís secouru d'une pauvre richesse.
 Du tournois de la Veufue autant feit com-
 pte Christ,

Comme des grands presens, que l'homme
 riche offrist.

Car du bien de la Veufue vne bõne partie
 Estoit offerte à Dieu, l'autre estoit pour sa
 vie.

Elle vsuroit à Dieu, au tẽple offrát son bien:
 Cestuy vsure à Dieu, l'offrát aux gés de bié.
 Et où sçauroit on mieulx l'employer & le
 mettre,

Que d'en aider aux bons , & aux hommes
de lettre?

To^e estudes s'ot ioinctz d'une forte amitié.
H V G V E S bon Poëte au Poëte onq n'eust
inimité.

Et H V G V E S Medecin de l'esprit n'a enuie
Au Medecin du corps, qui no^e garde la vie.
La medecine ainsi de l'ame monstre bien
De porter amitié à son frere Chrestien.

Tu le dis & le fais, H V G V E S, qui charitable
Aides aux indigetz d'une main secourable:
Soit en dōnant du tien, ou en recōmandāt
Aux princes ceux, qui vont ton secours
demandant.

Et pour ce debiteurs te sont plusieurs per-
sonnes,

Mais ma patrie plus: quād liberal tu dōnes
Ta faueur liberalle au ieune Medecin,
A qui donne faueur tout nostre Limosin.
Pousse donq iusqu'à fin, H V G V E S, ton
entreprise,

En poussant ton Vālet iusque au bout où
il vise.

La fin courōne l'œuvre , & le vifste coureur,
S'il n'acheue son cours , n'emporte point
l'honneur.

AD FRANCISC. BRIGARD,
 MEDICINAE DOCTOREM PRÆ-
 stantissimum, & Regium Medic.
 meritis. Epigramma.

H V G O N I S vellem tibi commendare clientem,
 Ni commendatus iam foret ille satis.
 Si tamen est nullus tam grandis & altus acervus,
 Quem non maiorem res quoque parva facit,
 Accedat cumulus mea fac ut gratia parvus,
 Charior ut tibi sit, qui tibi charus erat.
 Nam patriæ iuuenis consors mihi, sicut & artis
 Est tibi: si fauceas huic, mihi & ipse fauces.
 Quémq; illi tribues, tribues mihi factor honorem:
 Patria pars homini si sua cuique sui est.

NICOLAO LEGRAND,
 MEDICO REGIO.

Magnus es ingenio, medica quoq; magnus in arte:
Magnâque Parisius nunc tua fama volat.
Magnus es: inde tuum non est sine numine nomen:
Quod tibi cen fato Parca benigna dedit.
Dignus eras & ob id magno quoque carmine dici:
Sed mea non magnum parva camœna sonat.
Quantu! acūque tamen vox est mea, clamat inesse
Famâ, artem, ingenium, nomina magna tibi.
Ad tot nunc cumulu vis magna accedere magnū?
Factua sit patriæ gratia magna mea.

Εἰς ἱατρὸν λαμπρότατον, ΠΕΤΡΟΝ ΛΑ-
ΦΙΛΑΙΟΝ, Ιο. Ἀυράτε ἑπίγραμμα.

Ἀΐκεος ἡ πόλις κόλπος ὁ ποντικὸς ἔξονομαθεῖς,
Εἶτα καὶ εὐφημισμὸν ἐς εὐζεινον μετεκλήθη.
Αὐτὰρ ἐναλλάξ δ' αὖ σὺ πάλα κληθεὶς Ἀφιλᾶος,
Εὐφίλιος μοι ἔσῃ καὶ ἀλήθεια μετακληθεὶς.
Ὡς πολλοὶς τε φιλῶν, πολλοῖς τε φιλούμενος
αὐτὸς

Εἶνεκα τῆς σοφίης τε, καὶ ἔνεκα τῆς ἀρετῆς σῆς
Παρτοῖνς, παῖσαν γὰρ ἔχει ἀριτυνὶ σοφὸς ἀνὴρ,
Ἰητρος δὲ μάλιστα, φιλαίηρωπον μάλα πάντων
Τὴν σφίην μελετῶν, σώζειν θνητῶν γένος ἀνδρῶν.
Ἦς σοφίης ἀρετῆς τε γένον ζηλήμονες τῶτον,
Ὡς ἐμὸν ὄντ' ὁμόπατρι, ἐμὸν χάριν εἰ σὺ φιλήσῃς,
Οὐτ' ἀφιλὸς κ' Ἀφιλᾶος εἰοίμην, ἔτ' ἐγὼ αὐτῷ.

SIMONI PIETRE, D. M.

PETRAEI tibi si Petri domus illa Galandæ

Nota, vetus nota est si domus illa mihi:

Si mensa iuvenes vsi, sale si summus vno:

Si tua Rosardus, si mea fama meus:

Cuius ego ingenium, tu corporis omnia curas,

Et vitia, & morbos, quos labor ipse dedit:

Auratum simul & Rosardum ambire putato,

Pro patria cuius me pius vris amor.

ROBERTO GREAVL-

M.B., D. M.

Multos Thyrsiferos, paucos prouerbia Bacchos
 Esse ferunt, frustra nec, reor, esse ferunt.
 Multi sunt claudi similes Chironis: in illis
 Chirones paucos sed tamen esse puto.
 Vnus & è paucis tu Gallicus esse videris
 Chiron: cui Chiron cedat & ipse vetus.
 Fortè roges quis sit Chiron, quis claudus & ille,
 Hærebat iuncto qui sibi semper equo:
 Esse domi claudos medicos, studiisque vacare
 Consultantum hominum qua licet vsq; decet.
 Rursus equo medici debent hæere volucris,
 Si qua lues lentam non dat acuta moram.
 Ille tamen claudus Chiron super astra volauit
 Arte sua: arte volas tu super astra tua.
 Quæ nunc grata suo lussit tibi Musa fauore,
 GRÆVALME, vt faueas, cui mea Musa fauet.

GERARDO DENYSOT, D. M.

Si mihi iam iuueni iuuenis tu cognitus olim,
 Inter maiores maior & hæsit amor:
 Nam tibi quæ colitur, colitur simul & mihi tecum
 Claussarum, quæ non maior in vrbe, domus:
 Et tua Græca mihi sunt lecta poemata sæpe:
 F iij

sape etiam mea sunt carmina lecta tibi:
Qui Dionysio cognomine sicut & arte
Nobilis es, Musis nam Deus ille fauet:
Fac igitur veteris des hoc mihi pignus amoris,
Consorti patriæ, fantor ut esse velis.
Quem dederis patriæ, patrius tibi reddet honorem
Carminibus vates qua licet usque suis.

LVD OV. DVRET. MEDIC.
REG. ET PROFESSORI.

Accipe non duro, Durete, hæc carmina vultu,
Si collega meus nuper, amicus adhuc.
Nec dubito quin sis, & sis sine futurus:
Si modo Dureti durior ære fides.
Si modo Dureti durare perennia par est
Singula quæque, libros, nomen, amicitiam.
Nânque tuum, Durete, nihil durabile non est:
Ars tuæque, ut durent corpora salua, facit.
Et saluæ saluo durant in corpore mentes:
Mentibus & saluis carmina mentis opus.
Artis & est præses simul vniuius & huius Apollo:
Quam tu iandudû es, quàmque professus ego.
Tu facis ut docti valeant vigeantque poëtæ:
Quod faciunt, vates artis opisque tuæ est.
Carmina quæ facio, debentur cuncta medenti:
Arsque mea hæc omnis pendet ab arte tua.

Quod si nostra suos à te facundia nervos,
 Robur in assiduos sumit & vsque modos:
 Quique tuus præsēs, meus est & præsul Apollo:
 Eiusdèmq̃ue dei cultor utrūque sumus: iul
 Quis dubitet quin sit fœdus commune poëtis
 Et medicis, vnus cùm sit utrūque Deus?
 Quæ si ita vera putas socij da pignus amoris
 Hoc mihi, vt Auratū quisquis amabit, ames.
 Huic faueat tua mēs, mea cui mēs cūmq̃ue fauebit:
 Hunc, ego quem cupio cūmq̃ue iuuare, iuues.
 Vt certè cupio, qui nostra Valetius ad te
 Hæc tulit imparibus carmina lusa modis.
 Qui tua nunc per me suffragia sedulus ambit:
 Musâque per quem nunc ambitiosa mea est.
 Nam licet ambitio res est aliena poëtae,
 Laus patriæ non est res aliena mihi.
 Ille mihi patriæ, studio tibi iunctus & arte:
 Ille fauore meo est dignus, & ille tuo.

IACOBO CHARPENTIER,
 D. M. ET REGIO PROFESSORI.

Si Carpentari mea non absentia quidquam
 Detrimenti affert pristinae amicitiae,
 Qui soleo rarò raros inuisere amicos,
 In quibus est constans, constat & esse, fides:
 Nam quid opus vano seseque, aliòsque labore

Vexare, & stulto conficere officio?)
Mens quorum est præsens, præsencia corporis ut sit:
Nam præsens menti est mens tua ubique mea.
Sic Deus ipse absens humana negocia curat:
Præsentemque tamen dicimus esse Deum.
Tu quoque si verè es præsens mihi, sicut & ipse
Sum tibi, fac præsens sis ut & ipse meis.
Atque huic præcipue, patriū mea quæ tibi amicū
Carmina commendant de meliore nota.
Sic Carpentæ tibi faueat: sic nomine verso
Sit Carmenta meis prospera carminibus.
Nam tibi quæ tenui, hæc eadem mihi nominemolli
Præsidet Euandri mater amica sui.

IO. ROCHON, D. M.

Aspera cū tibi sint spinosi nomina ruchi,
Ars tamen est lenis, nomen & inde trahit.
ἡπιόνη Græcis quæ dicitur: ἡπια Verò
Lenia sunt: lenem ars & tua præstat opem.
Testis ego, & testis mea nupta, & nubilus olim
Filia, nunc docto nupta quoque ipsa viro.
Quos tua seruauit grauib. solertia morbis:
Et seruaturam sæpius esse puto.
Si tibi sum iuuenis, iuuenis tu cognitus ipse
Et mihi, perque suos credit utrūque gradus:
Quæ mihi cura mei est, eadem mihi cura meorum:

Quare commendo meque, meosque tibi.

Non quia nunc morbo domus ullo læsa laborat,

Gratia magna Deo, gratia magna tibi,

Sed quia de patrio mea cura laborat amico:

Quem commendatum comprecor esse tibi.

HIERONYMO DE VARA-

DE, MEDICŌ REGIO.

Si memor es, quis me tibi iunxerit vsus in aula,

Tunc, Varadæ, tui cum laris hospes eram:

Cum brevis vna duos Turricula Regia cepit,

Te ceu Phylliridem, me velut Aeacidem:

(Nam tu Regis eras Chiron fidissimus alter:

Regi Pelides cantor ego alter eram)

Paruaque turris erat tibi Peliacum velut antrum,

A tanto medico vix habitanda domus:

Horum si memor es, tua fac nunc gratia prosit

Huic, tibi commendo quem tuus hospes ego.

Nam patriæ ille mihi consors: patriæque favere

Pro patria cæsus me monet Aeacides.

NICOLAO PICARD,

MED. REG.

Si te, si bene mi Picarde novi,

Quàm sis certus amicus & fidelis:

Et dignus videor tibi quem amicis

Certis annumeres, fidelibusque,

Hanc da nunc operam mihi fidelem,

Vt qua sum patrios fide erga amicos,

Hac sis in patrum meum tu amicam.

SYMEONI DE MALMEDY

D. M. ET P. R.

Si tua, Malmedi, me Præsides & auspice primum

Vis est ingenij cognita & eloquij:

Si saltata tuo mea sunt mihi carmina socco,

Si duce te cæcus vidit, ut ante, senex:

Ille senex Plutus, qui, te miserante, recepto

Lumine tam gratus, tam memor estque tui:

Vt tu ille ante Malusmedius, medicus bonus inde

Nunc sis, quod puero nomen omen erat:

A sene nec sola est hæc reddita gratia Pluto:

Sed quibus ipse præest, addit & addet opes.

Quod manifesta probat tua tam citò nuper in Aula

Muneribus geminis Principis aucta domus.

Cuius dux fueras senis orbi luminis, illum

Vt tua rettulerit non sine luce manus.

Inque locum Rami quod sis suffectus: at ille

Iam misero Pluto sit miserabilior.

Quod vetus illa nouo si sit reddenda theatro

Fabula, Ramus sit Plutus Aristophanis.

Excepto sua quod sint reddita lumina Pluto:

At Ramus semper luminis orbis erit.

Nam semel ille Deum qui iura, fidemque fefellit,

Non est ut medicos possit habere Deos.

Non si ducatur Medicorum in Præsidis adem:

Non si captârit somnia mille Dei.
 Sed satis ad lepidum sit nostra iocata sodalem
 Ad medicum medici functa camæna vice.
 Nam tua corporibus velut ars mala discutit ægris,
 Sic mentes aëras nostra camæna leuat.
 Nunc igitur præsens mea sit medicina dolenti:
 Quàm tua, tam felix ars mea sitque tibi.
 Sic quem commendo, pro parte fac ipse virili,
 Qua potes, & quanta sedulitate iuues.
 Sic precor occurrat meus iste Valetius omen,
 Quòd tua membra breui sint valitura. Vale.

GVLIELMO CAPEL, D. M.

Si dictamna feræ monstrârunt Cretica capræ,
 Pulsa quibus tergo fixa sagitta cadit:
 Nutrinisse Iouem si fertur Cressa capella,
 Officijque sui præmia sidus habet:
 Totaque de cælo pendet Medicina sôloque,
 Sideribus cœli, graminibûsque sôli:
 Atque vtrique præst elemento hirsuta capella,
 Loricam cuius de cute alumnus habet:
 Aptæ Capellano dederat sua Parca capellæ
 Nomina, qui Medicus Regius antè fuit.¹
 Aptæ Capella tibi nascenti Parca capellæ
 Nomina, quæ medicam repperit, ipsa dedit.
 Quæ mea si quæris tecum mea Musa iocata
 Cur sit in insolitos exspatiata modos,
 Vt tibi commendem, quem commendare necesse est,
 G ij

*Quò ratio patriæ sit tibi habenda mee.
Quem pro parte iuues, mi Chære Capella, virili,
Ut teneat meritum patria nostra locum.*

Y V O N I M A R C H A N T,
D. M.

*Mercurius merces, sed & ipsas repperit artes,
Quas profitemens nomen Mercurialis habet.
Mercurius tibi dat nomen, dat & ille poëtis:
Testis & his Flaccus Mercurialis erit.
Qui se Mercurium multis seruasse periclis
Grato testatur carmine sæpe suo.
Et tuus ille Deus multos seruauit Apollo:
Seruat Apollinea nunc vir & arte frequēs.
Quinetiam inter se sua mutua dona feruntur,
Hic illi Virgam, huic ille dedisse lyram.
Virgam, quam gemino circum serpente virentem
Gestat Apollineus vester & ille Deus.
Quòd si Mercurio tanta & concordia Phæbo:
Et te Phæbus amat, Mercuriusque simul:
(Alter enim nomen tibi contulit, alter & artem)
Cōmune & mecum est numen vtrūmque tibi:
Fac sit apud medicum mea te non vana poëtæ
Gratia, Mercator, pro popolare meo.
Sic tibi Mercurius, sic adsit amicus Apollo:
Est mecum quòd idem numen vtrūmque tibi.*

OLIVARIO DE VIOLAINES D. M.

Ni foret ille mihi patrio coniunctus amore

Quem mea commendat vox, Violane, tibi:

Non tibi, non alijs mea Musa molesta fuisset:

Nec gravis officij tale subisset onus.

Sed quid agat, quamvis sit inambitiosa, pudensque ul

Musa, nec in lentas officiosa preces?

Si patrius nunc cogit amor, si cogit honestus

Affectus patriæ quémque favere suæ?

Ignoscas igitur, civis pro ciue laborans

Supplice quòd supplex sit mea Musa tibi.

AD ANTO. VALETIVM

MEDICVM, DE IO. AVRATO,

Poëta Regio Græc. & Lat.

Aredij le Roy

HENDECASYLLABI.

SI tantùm celebris tulere famæ

Vates, quos veterum educavit ætas,

Qui præter Veneres, Cupidinésque,

Præter nequitias salaciores,

Mordacésque iocos, ineptiásque

Certanteis Sybariticis libellis,

Præter delicias, salésque foedos,

Mixtos illepidam procacitate,

Quos non vnus assus esse duco

(Compti sint licet expolitiore

Versu, molliculo, venustulóque)

Nullam carminibus pudicitatem,
Nullam munditiam suis libellis,
Et nullam sonuere castitatem:
Non certè leuiùs p̃j, bonique,
Quos nunc Gallica Musa dat, Poëta,
Quorum carminibus nihil profani,
Quod mentes hominum inquinare possit,
Et nil præter inest sonos pudicos,
Primum promeruere palmæ honorem.
Qualis est patriæ meæ, suæque
Lumen egregium, decusque summum
AVRATVS, Latio s̃clo & Pelasgo
Notus arbiter vtriùsque linguæ:
Quo non candidior, benigniorque
Aut est, aut fuit, aut erit Poëta,
Præstans omnibus, omnibus poëtis,
Natura, ingenio, eruditione,
Doctrina, studio, nitore, vena,
Puritate, pudore, castitate,
Fama, nomine, mente, honore, tantò
Quantò aurum reliquis præit metallis.
Cuius carmina dulciora melle
Hyblæo, & Siculæ liquore canne,
Fundunt ambrosiæque, nectarisque
Succos perpetuo fluente riuo:
Cuius carmina sunt pudica, casta,
Et nullo sale pruriente tineta:

Iocos, delicias libidinosas,
 Lusus, nequitias, facetiâsque
 Peius vipereo cruore vicans,
 Et peius cane, peius angue senu
 Modos defugiens periculosos.
 Nam castum esse decet pium poëtam
 Ipsum, & versiculos magis necesse est
 Castos esse: licet neget Catullus,
 Tantò impurior omnibus poëta,
 Quanto castior est, pudiciôrque
 A V R A T V S meus omnibus poëtis,
 Nempè hoc diceret & Catullus ipse.
 Hoc te credo satis (Valete) nosse:
 Et nôrunt aliî boni, piique:
 Notum gentibus est & his, & illis.
 Nôrunt atque canunt, canentque semper
 R O N S A R D V S Q V E B A I F I V S Q V E, Galli
 Fontes eloquiî, decûsque clarum.

I D E M A D E V N D E M.

Ingens es medica futurus arte,
 Nec me spes mea, mênisque certa fallit:
 Magnus es medica futurus arte,
 Qui tam grâde malû, malûmque duplex,
 Quod & vaide tibi fuit molestum,
 Quod & valde mihi periculosum,
 Quod Chironia nec manus, nec ipse
 Phœbus, aut soboles sacrata Phœbi,

*Quod nec Pergamei, senisque Coi
Cura, nec Podalirij leuavit:
Quod cuncti fugiunt, magisque cunctis
Quam tigris catulis citata raptis,
Aut solis medio perusta sole,
Aut quam scorpius impius timetur:
Tu non Pœonijs leuaris herbis,
Sed solo eloquio, nitore solo,
Et sola probitate, mente sola,
Doctrina, ingenio, modestiâque.
Paupertatis enim grauis dolores,
Liuorisque mali malos dolores .
Profligare tibi fuit necesse,
Et feliciter vtriusque morbi
Vicisti rabiem nitore solo
Mentis, Religionis, eloquiâque.*

